



Inatsisartunut ilaasortaq
Mikivusuk Thomassen
Inuit Ataqaatigiit

Innarluutilinnut kisitsisitigut paasissutissanut tunngatillugu § 37 naapertorlugu apequtit nr. 208 - 2020-p akineqarnera

Asasara Mikivusuk Thomassen

Apequtinnut qujanaq. Apequtit tullinnguuttuni uteqqinneqarput, akissutininik tullegarlutik.

1. Naalakkersuisut Inuit innarluutilittut nalunaarsorsimasut qanoq amerlatiginersut ilisimasaqarfigivaat?

Isumaginninnermut, Ilaqutariinnut Inatsisinillu Atuutsisinermut Naalakkersuisoqarfiup 2019-ip aallartinnerani taamanikkut innarluutilinnut inatsit - Annertuumik innarluutilit ikiorserneqartarnerat pillugu Inatsisartut peqqussutaat - malillugu inunnut ikiorsiissutinik tiguisartunut naatsorsuutininik kommunit nassiussinissaannik qinnuigai. Kisitsisitigut paasissutissanik pissarsiniarnerup nalaani innuttaasut katillugit 1131-t Kalaallit Nunaanni najugallit taamanikkullu inunnut annertuumik innarluutilinnut ikiorsiisarneq pillugu peqqussut atuuttoq malillugu ikiorsiissutinik tiguisartut nalunaarsorneqarsimapput, tamakkulu suliasaqarfimmut kisitsisitigut paasissutissani kingullermik saqqummersinneqartuni atuarneqarsinnaapput. [Inuit innarluutilit \(naalakkersuisut gl\)](#)

2020-mut naatsorsuutininik suliaqartoqarsimangilaq.

2. Naalakkersuisut Inuit innarluutilittut nalunaarsuinissaminnut pilersaaruteqarpat?

Inuit innarluutilit tapersorsorneqarnissaannut Inatsisartut inatsisaanni nr. 13, 12. juni 2019-imeersumi § 76-imi atuarneqarsinnaavoq kisitsisitigut paasissutissanik assigisaannillu Naalakkersuisut piumasaannik nassiussissalluni kommunalbestyrelsi pisussaaffeqartoq.

Naalakkersuisut suliasaqarfimmut nassuiaammik kisitsisitigut paasissutissanik imalimmik ukiumoortumik saqqummersitsisoqartarnissaannik sulissuteqarput.

3. Naalakkersuisut Inuit innarluutilit suliffeqarfinnut pisortallu pigisaannut, sulisinaanissaannut pilersaaruteqarpat erseqqinnerusumik pilersaaruteqalernissaannut?

Suliffeqarnermut Naalakkersuisoqarfimmiit akissutininik pissarsiniartoqarsimavoq. Naalakkersuisoqarfik nalunaarpoq:

07-01-2020
Suliap normua, 2020 - 25997
All. id, 15571433

Postboks 260
3900 Nuuk
Oqarasuaat (+299) 34 50 00
Naqitanik nassitsigisaat
(+299) 34 66 66
E-mail: iian@nanoq.gl
www.naalakkersuisut.gl

"Suliffeqarfimmik peqataatsiffiusumut ilaasumik suliniutit arlallit aallartinneqarsinnaapput. Innuttaasut annertuumik annikitsumilluunniit innarluutillit qanoq iliorluta ineriartortitsiffigisinnaanerivut attatiinnarsinnaanerivullu sukumiinerusumik misissuiffiginissaat kissaatiginarpoq.

Tiliup saqqummersitaani "Innarluuteqarnermut Isummat"-mi innuttaasut innarluutillit ilinniartitaanikkut inissisimanagerat appassisuusooq paasinarsivoq. Ilinniarnissamut allanngorartumik isersinnaanerimut ineriartortitsinissaq taamaammat aamma tulluurtuusaaq, taamaaliornikkut innuttaasut taakkua ilinniaqqinnissamut suliffissaqalernissamulluunniit piumassuseqalissammata.

GUX-S-imik atuarnut innarluutilinnut imaluunniit innarluutillit suussusersiffigineqartunut ilinniartitsinermik immikkut piareersakkamik pilersitsiffiusumik pilersitsisoqareerpoq, ingerlatsinissallu tunisassiornermut atuarnissamut assingusumik periarfissat aamma qiviarneqarsinnaapput.

Suliffeqarfiit innuttaasunik tapersersortarialinnik suliffissaqartitsisut nalunaarsugaasut pillugit Inatsisartut inatsisaat nr. 31, 28. november 2019-imeersoq naapertorlugu suliffeqarfiit innuttaasunik tapersersortarialinnik suliffeqartitsisut immikkut pisariaqartitsisunut immikkut pisariaqartitanut eqqarsaatiginnittut pilersinnissaat periarfissinneqarpoq, taamaaliornikkut atugarliortut imaluunniit innuttaasut innarluutillit inuiaqatigiinni allat assigalugit atugassarititat assingusut aqutigalugit sulisinnaassammata.

Inussiarnersumik inuulluaqqusillunga


Martha Abelsen